

ხელშეკრულება

სახელმწიფო შესყიდვის შესახებ № _____

წინამდებარე დოკუმენტი წარმოადგენს სახელმწიფო შესყიდვების შესახებ ხელშეკრულების პროექტს, რომელიც დაიდება გამარჯვებულ პრეტენდენტთან. წინამდებარე ხელშეკრულების პროექტის პირობები დაზუსტდება გამარჯვებული პრეტენდენტის სატენდერო წინადადების შესაბამისად.

ქ. თბილისი

“_____“, 2018 წ.

შემსყიდველი: საქართველოს განათლებისა და მეცნიერების სამინისტრო, წარმოდგენილი მინისტრის -----
-----სახით;

მისამართი: ქ. თბილისი, დ. უზნაძის ქ. №52;

ტელ.: 2200 220

საბანკო რეკვიზიტები: სახელმწიფო ხაზინა, კოდი: TRESGE22; ა/ა GE24NB0330100200165022;

საიდენტიფიკაციო კოდი 202051224;

მიმწოდებელი: -----, წარმოდგენილი მისი დირექტორის ----- სახით,
მისამართი: -----

საბანკო რეკვიზიტები: -----

საიდენტიფიკაციო კოდი -----

ერთი მხრივ - შემსყიდველი და მეორე მხრივ - მიმწოდებელი, № NAT----- ელექტრონული ტენდერის (აუქციონის გარეშე) ჩატარების შედეგად დებენ სახელმწიფო შესყიდვის შესახებ ხელშეკრულებას შემდეგზე:

1. ხელშეკრულებაში გამოყენებულ ტერმინთა განმარტება

ხელშეკრულებაში გამოყენებულ ტერმინებს აქვთ შემდეგი მნიშვნელობა:

- 1.1 „ხელშეკრულება სახელმწიფო შესყიდვის შესახებ“ (შემდგომში – „ხელშეკრულება“) – შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით.
- 1.2 „ხელშეკრულების ღირებულება“ – საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.3 „დღე“, „კვირა“, „თვე“ – კალენდარული დღე, კვირა, თვე.
- 1.4 „შემსყიდველი“ – ორგანიზაცია, რომელიც ახორციელებს შესყიდვას.
- 1.5 „მიმწოდებელი“ – პირი, რომელიც ახორციელებს საქონლის მიწოდებას ხელშეკრულების ფარგლებში.
- 1.6 „საქონელი“ – ხელშეკრულების მე-2 მუხლით გათვალისწინებული ხელშეკრულების საგანი.

2. ხელშეკრულების საგანი და კლასიფიკატორის კოდი

2.1 მიმწოდებელმა უნდა უზრუნველყოს 2016-2017 სასწავლო წელს და წინა წლებში (გარკვეული მიზეზების გამო გაუცემელი არასწორად განსაზღვრული მედლის ტიპის, გვარში დაშვებული ტექნიკური შეცდომის გამო) წარჩინებით კურსდამთავრებულთათვის გადასაცემი ოქროსა (მოოქროვილი) და ვერცხლის (მოვერცხლილი) მედლების და მედლის ჩასადები ყუთების დამზადება და მოწოდება (CPV:18512200) (დანართი N1, დანართი N2, დანართი N3 და დანართი N4-ით გათვალისწინებული ესკიზების შესაბამისად, რომელიც წარმოადგენს ხელშეკრულების განუყოფელ ნაწილს), რომელთა რაოდენობა და აღწერილობა მოცემულია წინამდებარე ხელშეკრულების მე-3 პუნქტის 3.2 ქვეპუნქტით გათვალისწინებულ ცხრილში.

2.2 შემსყიდველი მიმწოდებლის მიერ დამზადებული და მოწოდებული მედლების საერთო რაოდენობიდან შეარჩევს 2 ცალ მედალს (ერთი ოქროს, ერთი - ვერცხლის), რომელიც გამოყენებული იქნება საექსპერტო დასკვნისათვის. აღნიშნულის გადაცემისას მხარეებს შორის გაფორმდება გადაცემის აქტი, რომელსაც შემსყიდველის მხრიდან ხელს მოაწერს კონტროლის განმახორციელებელი პირი.

2.3 მიმწოდებელი შემსყიდველს მიაწოდებს შემსყიდველის მიერ მიწოდებული სახელობითი სიის მიხედვით დამზადებულ ოქროს (მოოქროვილი) და ვერცხლის (მოვერცხლილი) მედლებს.

3. ხელშეკრულების ჯამური ღირებულება

3.1 ხელშეკრულების საერთო ღირებულება შეადგენს ----- ლარს.

3.2 შესყიდვის ობიექტის მახასიათებლები და ერთეულის ფასები მოცემულია ქვემოთ წარმოდგენილ ცხრილში:

3.3 ხელშეკრულების ჯამური ღირებულება მოიცავს მიმწოდებლის ყველა ხარჯსა და საქართველოს კანონმდებლობით დადგენილ ყველა გადასახადს.

4. შესყიდვის ობიექტის სტანდარტები

წინამდებარე ხელშეკრულების ფარგლებში მიწოდებული საქონლის დიზაინი და ხარისხი უნდა შეესაბამებოდეს ოქროსა და ვერცხლის მედლებისათვის შემსყიდველის მიერ დადგენილ და ამ ხელშეკრულების დანართი N---- და დანართი N----ით გათვალისწინებულ ტექნიკურ სტანდარტებს.

5. ანგარიშსწორების ფორმა და ვადები

5.1 მიმწოდებელთან ანგარიშსწორება განხორციელდება უნაღდო ანგარიშსწორების წესით ეროვნულ ვალუტაში.

5.2 ანგარიშსწორება მოხდება ფაქტიურად მიწოდებული საქონლის ღირებულების მიხედვით, მიღება-ჩაბარების აქტისა და შესაბამისი ფინანსური დოკუმენტაციის გაფორმების საფუძველზე.

5.3 მიმწოდებელთან ანგარიშსწორება განხორციელდება შესაბამისი დოკუმენტაციის ხელმოწერიდან 10 სამუშაო დღის განმავლობაში.

5.4 დაფინანსების წყარო: 2018 წლის სახელმწიფო ბიუჯეტი, „წარმატებულ მოსწავლეთა წახალისების პროგრამის“ (პროგრამული კოდი 32 02 04) „წარჩინებულ მოსწავლეთა მედლების ქვეპროგრამა“

6. შესყიდვის ობიექტის მიღება-ჩაბარების წესი

6.1 შესყიდვის ობიექტი ჩაითვლება მიღებულად მხოლოდ მხარეებს შორის მიღება-ჩაბარების აქტის გაფორმების შემდეგ.

6.2 წინამდებარე ხელშეკრულების 8.1 პუნქტში მითითებულ შესყიდვის ობიექტის მიწოდებისას მხარეებს შორის გაფორმდება გადაცემის აქტი, რომლითაც დასტურდება მხოლოდ მიწოდების ფაქტი. გადაცემის აქტზე ხელმოწერ უფლებამოსილ პირს წარმოადგენს კონტროლის განმახორციელებელი პირი.

6.3 მიღება-ჩაბარების აქტის გაფორმების საფუძველია წინამდებარე ხელშეკრულების მე-10 პუნქტის 10.2 ქვეპუნქტით განსაზღვრული კონტროლის განმახორციელებელი პირის დასკვნა.

6.4 იმ შემთხვევაში, თუ გამოვლინდება მოწოდებულ შესყიდვის ობიექტთან დაკავშირებული ხარვეზები შემსყიდველი ვალდებულია ოპერატიულად, წერილობითი სახით აცნობოს მიმწოდებელს წუნდების მიზეზი.

6.5 შემსყიდველის მხრიდან მიღება-ჩაბარების აქტზე ხელმოწერ უფლებამოსილ პირს წარმოადგენს -----
----- (დაუუსტდება ხელშეკრულების გაფორმების მომენტისათვის).

7. მიწოდების პირობები

7.1 შემსყიდველი უზრუნველყოფს მიმწოდებლისთვის სახელობითი სიების მიწოდებას წინამდებარე ხელშეკრულებასთან ერთად დანართი N--- - ოქროს მედალოსანთა სია და დანართი N--- - ვერცხლის მედალოსანთა სია.

7.2 მიმწოდებლის მიერ 2011-2012, 2015-2016 და 2016-2017 სასწავლო წელს წარჩინებით კურსდამთავრებულთათვის დამზადებული მედლები უნდა შეესაბამებოდეს საქართველოს განათლებისა და მეცნიერების მინისტრის 2018 წლის 19 მარტს N249 ბრძანებით დამტკიცებული ოქროსა და ვერცხლის მედლების ესკიზებს.

8. შესყიდვის ობიექტის მიწოდების ვადა და ადგილი

8.1 შესყიდვის ობიექტის მიწოდება განხორციელდება ხელშეკრულების გაფორმებიდან ----- კალენდარული დღის ვადაში.

8.2 ექსპერტიზისათვის გადაცემული ორი მედლის ხელახლა დამზადება უნდა განხორციელდეს წინამდებარე ხელშეკრულების 9.1.3 პუნქტში მითითებული ექსპერტიზის დასკვნის წამოდგენიდან **10 კალენდარული დღის ვადაში.**

8.3 შესყიდვის ობიექტის მიწოდების ადგილია: ქ. თბილისი, დ. უზნაძის ქ. №52 (საქართველოს განათლებისა და მეცნიერების სამინისტროსადმინისტრაციული შენობა).

9. მხარეთა უფლება-მოვალეობები

9.1. მიმწოდებელი ვალდებულია:

9.1.1 შემსყიდველს მიაწოდოს ხელშეკრულებაში მითითებული სათანადო ხარისხის, დიზაინისა და რაოდენობის საქონელი წინამდებარე ხელშეკრულებით გათვალისწინებულ ვადაში;

9.1.2 საკუთარი ხარჯით უზრუნველყოს შესყიდვის ობიექტის ტრანსპორტირება შემსყიდველის ადგილმდებარეობის მიხედვით;

9.1.3 შემსყიდველის მიერ შერჩეულ ორ მედლზე (2 მედალი რომელიც გამოყენებული იქნება ექსპერტიზისთვის) **10 სამუშაო დღის ვადაში** წარუდგილოს ექსპერტიზის დასკვნა შესყიდვის ობიექტის შემსყიდველის მოთხოვნებთან შესაბამისობის თაობაზე;

9.1.4 უზრუნველყოს საქონლის ისეთი შეფუთვა, რომელიც დაიცავს მას დაზიანებისაგან და შეესაბამება საქონლის უსაფრთხო შეფუთვის აუცილებელ მოთხოვნებს;

9.1.5 საქართველოს განათლებისა და მეცნიერების სამინისტროს თანხმობის გარეშე არ გადასცეს მესამე პირებს წინამდებარე ხელშეკრულების დანართი ---- და დანართი --- -ში წარმოდგენილი და საქართველოს განათლებისა და მეცნიერების მინისტრის ბრძანებებით დამტკიცებული ოქროსა და ვერცხლის მედლების ესკიზები მითითებული ტექნიკური მახასიათებლებით და ამ მედლების დიზაინის შესაბამისად დამზადებული შესაბამისი ყალიბები;

9.1.6 მიმწოდებელი ვალდებულია საკუთარი ხარჯებით აღმოფხვრას მიწოდების პროცესში გამოვლენილი ნებისმიერი ხარვეზი/წუნი, საჭიროების შემთხვევაში უზრუნველყოს წუნდებული საქონლის შეცვლა ახლით, ხარვეზის/წუნის გამოვლენიდან 30 კალენდარული დღის ვადაში.

9.2 მიმწოდებელი უფლებამოსილია მოსთხოვოს შემსყიდველს მიწოდებული საქონლის ღირებულების ანაზღაურება ხელშეკრულებით გათვალისწინებულ ვადაში.

9.3 შემსყიდველი ვალდებულია: უზრუნველყოს ამ ხელშეკრულებით გათვალისწინებული მოთხოვნების დაცვით მიწოდებული შესყიდვის ობიექტის ღირებულების ანაზღაურება;

9.4 შემსყიდველი უფლებამოსილია:

9.4.1 ნებისმიერ დროს განახორციელოს მიმწოდებლის მიერ ნაკისრი ვალდებულებების შესრულებისა და ხარისხის კონტროლი.

9.4.2 მიმწოდებლისაგან მოითხოვოს შესყიდვის ობიექტის მოწოდება ხელშეკრულებით გათვალისწინებულ დროს და ადგილას.

9.4.3 შეამოწმოს შესყიდვის ობიექტის ხარისხი.

9.4.4 მონიტორინგის შედეგად მიმწოდებლის მიერ ხელშეკრულებით გათვალისწინებული პირობების დარღვევის აღმოჩენის შემთხვევაში მისცეს მას მითითება ხარვეზის გამოსწორების შესახებ.

9.4.5 უარი განაცხადოს დაგვიანებით მიწოდებული შესყიდვის ობიექტის, უხარისხო (წუნდებული) ან არასრული სახით წარმოდგენილი თანხმობები დოკუმენტაციის მქონე საქონლის მიღებაზე.

10. ხელშეკრულების შესრულების კონტროლი

10.1 მიმწოდებლის მიერ ხელშეკრულებით გათვალისწინებული შესყიდვის ობიექტის შემსყიდველისათვის მიწოდებისას კონტროლის განმახორციელებელი პირი ამოწმებს ხელშეკრულების პირობებთან შესაბამისობას და ადასტურებს შესაბამისი დასკვნებით, ხოლო ამის შემდეგ მიმწოდებელსა და შემსყიდველს შორის ფორმდება მიღება-ჩაბარების აქტი.

10.2 ხელშეკრულების 10.1 პუნქტით გათვალისწინებულ კონტროლს განახორციელებს -----
----- (დაზუსტდება ხელშეკრულების გაფორმების მომენტისათვის).

10.3 ამ მუხლის არც ერთი პუნქტი არ ათავისუფლებს მიმწოდებელს მოცემული ხელშეკრულებით გათვალისწინებული ვალდებულებებისაგან.

10.4 მიმწოდებელი ვალდებულია საკუთარი რესურსებით უზრუნველყოს შემსყიდველი კონტროლის ჩატარებისათვის აუცილებელი პერსონალით, სხვა სამუშაო პირობებით. იმ შემთხვევაში, თუ შემსყიდველი კონტროლის მიზნით გამოიყენებს საკუთარ ან მოწვეულ პერსონალს, მის შრომის ანაზღაურებას უზრუნველყოფს თვით შემსყიდველი.

11. ხელშეკრულების პირობების შეუსრულებლობა

11.1 ფორს-მაჟორული პირობების გარდა, შემსყიდველი უფლებამოსილია ხელშეკრულებით ნაკისრი ვალდებულების დაგვიანებით შესრულების შემთხვევაში, დააკისროს მიმწოდებელს პირგასამტეხლო ყოველ ვადაგადაცილებულ დღეზე შეუსრულებელი ვალდებულების ღირებულების 0,2%-ის ოდენობით.

11.2 მიმწოდებლის მიერ ხელშეკრულებით ნაკისრი ვალდებულების არაჯეროვანი შესრულების ან/და შეუსრულებლობის შემთხვევაში მას დაეკისრება პირგასამტეხლოს გადახდა ხელშეკრულების ღირებულების 5%-ის ოდენობით.

11.3 მე-5 მუხლის 5.3 პუნქტში მითითებული ვადის გადაცილების შემთხვევაში მიმწოდებელი უფლებამოსილია შემსყიდველს დააკისროს პირგასამტეხლო ყოველ ვადაგადაცილებულ დღეზე შეუსრულებელი ვალდებულების ღირებულების 0,01%-ის ოდენობით.

11.4 იმ შემთხვევაში, თუ მიმწოდებელი ხელშეკრულებით ნაკისრი ვალდებულების შესრულებას გადააჭარბებს 10 კალენდარული დღით, შემსყიდველი იტოვებს უფლებას ცალმხრივად შეწყვიტოს ხელშეკრულება და ასევე, გამოიყენოს ამ პუნქტის 11.2 ქვეპუნქტით გათვალისწინებული პირობები.

11.5 დაკისრებული პირგასამტეხლო გადახდილ უნდა იქნას მხარისათვის აღნიშნულის თაობაზე გადაწყვეტილების (წერილი პირგასამტეხლოს დაკისრების თაობაზე) გაცნობიდან არაუგვიანეს 1 თვის ვადისა.

12. გარანტია

12.1 შემსყიდველისათვის მიწოდებული პორტატული გარე მყარი დისკებზე ვრცელდება გარანტია მიღება-ჩაბარების აქტის გაფორმებიდან: ----- (დაზუსტდება ხელშეკრულების გაფორმების მომენტისათვის) ვადით.

12.2 მიმწოდებელი ვალდებულია საგარანტო ვადის განმავლობაში ნებისმიერი ხარვეზი/წუნი, საჭიროების შემთხვევაში საკუთარი ხარჯით უზრუნველყოს წუნდებული საქონლის შეცვლა ახლით, ხარვეზის/წუნის გამოვლენიდან 30 კალენდარული დღის ვადაში.

13. ხელშეკრულებაში ცვლილებების შეტანა და ხელშეკრულების შეწყვეტა

13.1 ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.

13.2 ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

13.3 საქართველოს სამოქალაქო კოდექსის 398-ე მუხლით გათვალისწინებული გარემოებების დადგომის შემთხვევაში, ხელშეკრულების ჯამური ღირებულების გაზრდა დაუშვებელია ხელშეკრულების ღირებულების 10%-ზე მეტი ოდენობით.

13.4 თუ რაიმე წინასწარ გაუთვალისწინებელი მიზეზების გამო წარმოიშვება ხელშეკრულების პირობების შეცვლის აუცილებლობა, ცვლილების შეტანის ინიციატორი ვალდებულია წერილობით წერილობით ან კომუნიკაციის ელექტრონული საშუალებების გამოყენებით შეატყობინოს მეორე მხარეს შესაბამისი ინფორმაცია.

13.5 იმ შემთხვევაში როდესაც საქართველოს კანონმდებლობით განისაზღვრება იმგვარი პირობა რითაც ერთერთი მხარე ვეღარ ასრულებს ხელშეკრულებით გათვალისწინებულ ვალდებულებას, შესაბამისი მხარე უფლებამოსილია ცალმხრივად შეწყვიტოს ხელშეკრულება.

13.6 ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე.

14. ფორს-მაჟორი

14.1 ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას.

14.2 ამ მუხლის მიზნებისათვის ფორს-მაჟორი ნიშნავს ისეთ გარემოებებს, რომელთა არსებობის გამო მხარისათვის ობიექტურად შეუძლებელი იყო სახელშეკრულებო ვალდებულებების შესრულება (სტიქიური მოვლენები, საომარი მოქმედება, ეპიდემია, კარანტინი, საბიუჯეტო ასიგნებების მკვეთრი შემცირება, მომსახურების მიწოდებაზე ემბარგოს დაწესება, სახელწიფო გადატრიალება და სხვ.).

14.3 მიმწოდებლისთვის ფორს-მაჟორული გარემოების დადგომა უნდა დასტურდებოდეს საქართველოს სავაჭრო-სამრეწველო პალატის მიერ.

14.4 შემსყიდველისთვის მიერ ფორს-მაჟორული გარემოების დადგომა უნდა დასტურდებოდეს კანონმდებლობით დადგენილი წესით.

14.5 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ.

15. დავები და მათი გადაწყვეტის წესი

ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ სასამართლოს საქართველოს მოქმედი კანონმდებლობის შესაბამისად.

16. ინტერესთა კონფლიქტი

“სახელმწიფო შესყიდვების შესახებ” საქართველოს კანონის მე-8 მუხლის მოთხოვნათა გათვალისწინებით, წინამდებარე ხელშეკრულებაზე და მიღება-ჩაბარების აქტზე ხელმოწერი და კონტროლის განმახორციელებელი პირები სრულად აკმაყოფილებენ კანონის ამ მოთხოვნას და არ იმყოფებიან ინტერესთა კონფლიქტში მიმწოდებელთან.

17. ხელშეკრულების მოქმედების ვადა

17.1 ხელშეკრულება ძალაში შედის მისი ხელმოწერის დღიდან და მოქმედებს 2018 წლის _____ ჩათვლით, მხარეთა მიერ ნაკისრი ვალდებულებების სრულად შესრულებამდე.

17.2 მხარეები ვალდებული არიან ხელშეკრულების ვადის გასვლის შემდეგაც შეასრულონ თავისი ვალდებულებები, თუ ეს ვალდებულებები წარმოიქმნა ხელშეკრულებით გათვალისწინებული პირობებით.

18. ზოგადი დებულებები

18.1 არც ერთ მხარეს არ აქვს უფლება, მეორე მხარისაგან წერილობითი თანხმობის გარეშე თავისი უფლებები ან ვალდებულებები გაასხვისოს ან გადასცეს მესამე პირებს.

18.2 მხარეები თანხმდებიან, რომ ის ურთიერთობანი, რომლებიც არ იქნა დარეგულირებული წინამდებარე ხელშეკრულებით, რეგულირებული უნდა იყოს საქართველოს კანონმდებლობით დადგენილი წესით.

18.3 ხელშეკრულება და მასთან დაკავშირებული ყველა დოკუმენტაცია, რომლებიც გაიცვლება მხარეთა შორის ფორმდება ქართულ ენაზე.

18.4 ხელშეკრულება შედგენილია სამი თანაბარი იურიდიული ძალის მქონე ეგზემპლარად, რომელთაგან ორი რჩება შემსყიდველს, ერთი – მიმწოდებელს.

მხარეები არსებითად ეთანხმებიან წინამდებარე ხელშეკრულების პირობებს, რასაც ადასტურებენ ხელმოწერით:

მხარეთა რეკვიზიტები:

შემსყიდველი:

მიმწოდებელი:

საქართველოს განათლებისა და
მეცნიერების სამინისტრო
